

PROGRAM PENUTUP BULAN SUKAN NEGARA MINDEF

 airforce.mil.my/berita/acara-rasmi/5593-program-penutup-bulan-sukan-negara-mindef

KUALA LUMPUR, 2 Nov 19 - Ketua Setiausaha Kementerian Pertahanan, Datuk Seri Mohd Zuki bin Ali telah menyempurnakan acara kemuncak sambutan Bulan Sukan Negara 2019 Peringkat Kementerian Pertahanan di Padang Kawad Kem KEMENTAH, pagi tadi.

Kementerian Pertahanan melalui program ini telah mengadakan pelbagai aktiviti sepanjang bulan Oktober yang disertai oleh semua warga Kementerian dan agensi-agensi serta bahagian di bawah naungannya termasuk ahli keluarga. Antara aktiviti yang telah dilaksanakan ialah KAKEP Amazing Race Challenge 2019, Kejohanan Boling Piala KSU Kementerian Pertahanan, Zumba Hey Hey dan e- Sukan manakala untuk aktiviti yang dijalankan pada hari ini ialah senamrobik, Fun Walk dan Fun Run.

Pihak KAKEP dan PUSPANITA Kementerian Pertahanan juga telah mengambil inisiatif bagi memeriahkan lagi program dengan aktiviti sukaneka kanak-kanak dan cabutan bertuah bagi warga Kementerian. Program turut diserikan lagi dengan kehadiran atlet-atlet ATM yang terlibat dengan Sukan Komanwel 2018 dan Sukan SEA 2017. Lebih daripada 1000 orang warga Kementerian Pertahanan terlibat menjayakan program ini.

Hadir sama diprogram ini adalah Panglima Tentera Udara, YBhg Jeneral Tan Sri Dato' Sri Haji Affendi bin Buang TUDM; Timbalan Panglima Tentera Udara, Lt Jen Dato' Sri Ackbal bin Hj Abdul Samad TUDM; Panglima Operasi Udara, Lt Jen Dato' Sri Hj Abdul Mutalib bin Datuk Hj AB Wahab TUDM ; Panglima-panglima Perkhidmatan, Pegawai Kanan TUDM serta Pengurusan Tertinggi Kementerian Pertahanan.



